


方是閑居士小藁

一

據上海圖書館藏元至正二
十年屏山書院刻本影印原
書版框高十八·一釐米寬
十二·九釐米



序



高木故家何地不有聲名繹愈久彌著者
以文獻未墜也維

忠顯劉公節誼凜然



少傅 屏山先生大勲粹學前後照映我
外祖忠肅公又為近世名樞輔

諸舅角立頡頏搢紳之林可謂盛矣

方是間居士乃獨隱約遊戲翰墨間所以
振起芳烈者蓋在此而不在彼也愚試

片

通德之鄉負念一掃

居士之門忽不鄙賜書且

教以小橐兩集風簷展玩洞心駭日左酬

名接竟日不暇讀至生荔枝詩云書生不

負鑿國手賦成何日奏明光和辛稼軒金

縷詞云國恥家讎何年報中夜聞鷄狂起

舞固知 居士之立志即

忠顯 少傅 忠肅之志而養浩堂分韻

則深悟乎持養志氣之不蚤又知

居士之講學即

屏山先生之學也

劉氏文獻其真不墜矣

居士負挾所長施用未究是豈終隱約者

邪必嘆嘆嘉不足期望實勤若夫律語

之工詞藻之富見於林止之勝賞寓於湖

海之高興則有東里溪翁二雋老品

題可以證信非必慮晚陋所敢贅贊也嘉

定戊寅上元日甥開封趙必愿再拜敬書

至正庚子仲冬

屏山書院重刊



方是閑居士小藁上卷目錄

吾廬寓言

石假山歌

社日喜晴

插秧歌

醉歌

白山茶

紫溪莊舍感舊十四首

舟行三章

鈞山解宇題壁

道間池亭小酌

太湖書懷

夜夢作春詞二首

古交行

贈琴士蕭長夫

溪橋晚步

方是閑目錄



和張政仲見寄三絕

演平渡度姪別入城

政仲留飲醉書

送連景昭歸三山二首

侵曉書懷四絕句

田家二首

環洲江氏園

將口道中

妙湛寺

晚望

溪園

栽竹

種梅

書懷

簡康姪求先君石山

宿興國寺方丈與客對床

秋池曉步賦獨開荷花二首

偶書長句

養浩堂分韻得氣字

舊園採茨

和劉伯益朝菊韻

賦康姪家古洲寄以梅分韻得言字

飲庶姪家和陳簡前蠟梅韻

北山園山石為盜所竊賦詩紀其事

送衍士周南

春夜彈琴有懷

瓊花二首

送庾姪親迎延平李先生家

傷歌行

夏雨歎

廡庭兩姪送荔枝分韻得細字

齋中賦梅次宋鮑參軍韻二首

二月二日東中感懷

野館

閑居即事

紫溪莊即事

雲際峽中

西巘觀瀑水簡洪莊仲三首

窰前小酌和外舅安撫韻

題壁

方是閑目錄

遊九曲

武夷山

鵝湖道中

分韻得雪浪齋石

伯益元正留飲二絕句

次伯益三詠三首

送度姪親迎傅氏

寄謝林通宗兄題耕隱詩韻

寄題吳介父亭壑七詠七首

和林子仁梅花絕句

妾薄命

中秋分韻得雲字三百言

賦祝次仲瀟湘八景八首

僊洲呈伯益莊仲

密庵題壁二首

責席

光化儲文惠概

安康中秋書懷

七禽詠七首

鄭鄉舟中睡覺書懷

甲口翫月

蜀口枕上

淨口二絕句

釣磯待舟

溪亭醉卧和游季僊韻

溪園紀實和游季僊韻

新齋和人韻

次村通推見寄二首

晚雨秋懷二首

再次村通來字詩字韻一曰

次村通見寄二首乞米放心晚福四首

東屯監秤六言一首

簡趙行之陳敬叟

追和陳洮湖韻

和林處士梅花詩八首

與政仲山行見梅僊成併和其詩二首

賦水僊花得鴻字

感事懷人送春病酒晚起五首

賓從集藕花堂分韻得園字二十韻

外舅安撫賦荷花一聯云潤衣紅濕也

荷雨拂面清泠檻竹風令足成之

揚司戶用外舅二詩韻見寄和以酌之

請遊山之曰於黎文廣二首

傳易數上王通守和詩附



方是間居士小藁上卷

吾廬寓言

五峯之山環吾廬五峯之

水清瀟瀟山水可樂

去情可娛五畝之宅奠厥居清湖列嶂開坐隅

白沙莪莪煙岫鋪崇山梅嶺豁望眼高門莖昇
聯襟裾况當春晚積雨餘綠梅翠疊青珊瑚桑
麻滿路人意好鳴禽上下聲相呼迄今八月九
月初楓林隔水紅凋踈秋場稻熟聽蓬樸小槽

新釀傾真珠昨宵一雪飛璠璣遠山近山光凝
酥群峯突兀不敢覷銀壁照耀天鬼塗千金不
須買畫圖丹青縱有畫不如風景萬態朝昏殊
天成此畫人難摹蹊荒圃廢幾朝夕一日築居
天賜予四時遊觀心良舒考槃在阿歸來乎乃
歌曰採於園兮籃有蔬釣於水兮筐有魚余之
弗歡兮其誰之歡歟又歌曰惠風清兮有車
芸香芬兮讀有書余之弗樂兮其誰之樂歟清

漢白以崇山梅嶺高門董阜皆屋側山名

石假山歌

潭溪散人方是閒真山不愛愛假山呼童積疊
石磊砢遠近便擁峯與巒晴嵐滴翠明窓前清
影掛壁方池邊色侵書帙日華薄丘壑坐上生
雲煙雲煙收霏苔蘚綠山石傷頭更栽竹三竿
兩竿韻不俗搖蕩清風涼意足方是閒人當此
時以假像真人謂奇或來靜對酌美酒或來宴

方是閒卷

二

坐哦新詩吟詩搜索縈心脾酒醉落魄精神癡
吟詩飲酒且不可况復局上爭拈棋不如對山
撫鳴琴琴心三疊舞胎禽高山流水存至音古
趣澹泊悅我心老泉三峯爛木材百年沉埋安
在哉東坡仇池九華石只有佳篇傳入集此山
亦猶今視昔與我同生亦同沒

社日喜晴分韻得前字

夜來急雨淙飛簷曉驚紅日輝潭川梨花有

朝露重柳帶無力春風顛倚簾新燕低拂掠
機戲蝶相聯翩今晨天氣亦佳爾一春未見茲
晴暄綠陰林下咲聲好簫鼓賽社祈豐年金穰
屢豐豈不好米賤更苦人無錢太公九府法已
弊楮幣印出私相權所司轉變無善策低昂用
否難流傳縣官那更租稅急白紙不問黃榜蠲
窮民非負實無有里正罰責殊可憐吾儂雖樂
此日美醪白醉倒春風前却愁煙雨暗春晚米

價頓長民憂煎

插秧歌

農夫戢戢清波闊秧稻苒苒森石髮父兒呼喚
手拔齊千把萬把根連泥四更乘月躅隴陌曉
煙漸散東方白歸來喫得飯一盂檐到田頭汗
似珠蹲身擘叢種入土不問朝昏與亭午肌膚
剥裂肉起皮列日纜陰又風雨秋收幸值歲稍
豐穀賤無錢私債重連忙變轉了官賦霜露凍

織愁窮冬呼嗟四民天地間服田力穡良獨艱
寄言安坐西方輩汝飽不慚吾厚顏

醉歌

讀書求見古人心閉門不知青春深夜來東風
掃浮陰曉光薄林生遙岑搜尋不覺出門去綠
暗溪邊楊柳路詩章立願不復作會景那知自
成句歸途晤語誰與從眼前物物俱春工崇桃
積李事已晚牡丹正麗醪醱穠白茶照人冰雪

同紅茶燒空猩血紅金沙雨晴翡翠積海棠露
濕胭脂重急呼詩匆喚酒伴高堂共泛琉璃鍾
夜闌秉燭相對語謾道今人不如古古士放達
醒者稀今人不飲徒自苦

白山茶

白茶誠異品天賦玉玲瓏不作燒燈焰深明韞
積功易容非世力幻質本春工皓皓知難污塵

自紅

紫溪莊金蓮癸丑壁間舊題轉眼

八年同遊十不存一滋蘭弟亦作士

拂拭灑涕笑不能去因誦歐公詩云人

昔共遊今有幾樹猶如此我何堪以是

為韻感懷次十四章庚午四月中津

維昔舊遊十有八言中間往來合散風塵如輪

在壁瞻之愈新憶我仲弟眇然懷人

吁嗟人生年百滿百天地圉形百代過客去日

方是問卷

五

苦多來日苦窄我曷不樂慨念疇昔

巾角燈牕硯席是共春山朝吟秋堂夜誦每

三年心骨沉痛幾夜晷君似夢非夢

念昔童稚汎然若舟惟我與君孤老同脩博文

約禮匪遨匪遊子方盛年遠赴玉璜

朱垣素壁醉墨淋漓虛堂重臨思口傷今文不

忍誦盟弗可尋即事即物投淚痛心

舊題黑龍蛇戶牖出驟歐雲模倣顏柳醉裏

百篇冥搜九有天胡奪我張仲孝友

屈指友于祇今存幾自仲之去失此奇偉言不
勝情心旌憤悱哀哉蒼天雨淚如洗

團團庭柯清美無度今我來斯忽然老樹偃蹇
輪囷剝蝕摧蠹朱顏舜華詎得如故

興念陳迹夢寐吾猶植杖風雲某水某丘日居
月諸循環靡休迭爾遙邁曾不我留

憶自束髮茲爲寓居載思載瞻宛不異初極目

人方是月

遐挑清風穆如撫事懷人悲來感余

少生四方遊紫之水每有良勿見止遇止長哦
伐木求友乎此樂以忘憂云胡不喜

維親與勿雜然滿坐華屋連甍紅紫繁夥半世
重遊霧迷烟鎖慨然撫膺謬悠老我

念昔考槃碩人之過琴豆觴酒寤寐咲歌逝者
弗返涕泗滄沓念彼不樂傷如之何

賢乎仲弟和樂且湛自我不見歲箭箭換三百感

交集憂心如惓山凝暮雲回首不堪

舟行三章

桂櫂兮蘭槳泝流兮汭洄天迴兮

聲哀水落兮石出路轉兮溪回鷗飛兮

戲兮藻開淹留兮何為盍賦兮歸來

扁舟兮容與浮雲兮舒卷波澄兮練橫山秀兮

屏展散髮兮平岡濯纓兮清淺皇皇兮何之路

長兮悠緬早賦兮歸來迷途兮未遠

容與兮扁舟長吟兮閑情白石兮離離秋雲兮

翼翼我思兮先廬水潭兮山屏帳空兮鶴怨人

去兮猿驚早賦兮歸來涉園兮欣欣

鈇山解宇題壁

莫遣離愁相絆縈九州之外盡愁城酒頻挹注

幽憂浣詩苦冥搜太瘦生漠漠草茵飛蛺蝶深

深柳幄韻鷓鷯客懷未與成匆遽三沐三熏慰

此情

道間池亭小酌

一曲芳池萬柄荷遊條潛躍水揚波竹孫楹檻
風偏細梅子江湖雨正多凡物寓時俱意得謂
予不飲奈愁何暫來徙倚又還去猛拍欄干浩
浩歌

太湖書懷

清風起平湖白雲生澗陰佳時慘不樂羈恩苦
難任客子熱中腸浩然懷故林仲夏倏已過草

方是間上卷

八

木鬱蕭森萬物欣有託吾生何崎嶇念昔歲重
冠自許雙南金只今墮危塗不如煙際禽山水
所素願利名非宿心何當返故廬嘯傲蒼崖瀑
雨鬢豈長綠勿枉吳霜侵

九月十八日夜夢賞春某氏

詞二首題柱

芍藥花開日漸長小牕閑理舊笙箏
詩宗匠共賦留雲借月章

樓下酴醾壓架香翠圈帷幄覆池塘桃花浪
魚成陣人倚雕欄到夕陽

古交行并叙

予曰雲莊李達先遂識漁隱陳惟定
二公博學多材藝獲後之遊幸矣賦
詩一篇以見意

君居京江頭我住武夷曲平生風馬牛道路幾
重複會面情相親卜室欣相憐傾蓋一咲粲恍

然如故人君家義聚五百指堂上怡怡奉甘旨
收書萬卷不言貧撫邱孤嫠甚勤止我家螢獨
與君似自我之出誰料理歲晚團藥未得歸感
事捫膺但增耻知君念我留客裏每見時能具
羞匕心吐肺肝所同然尊酒論文日終畧古靈
故家好孫子披覲芝眉曰識李博洽多聞世希
比頃刻龍蛇飛剡紙我慙學術殊不逮二君二
君愛予心良勤交遊情鍾固以類愧以蕭艾聯

蘭薰常恐此時心易變作甘醴欲君持此心淡
若秋江水古人心交尚道義今人利交口權勢
古道于今何寂寥傷心不識古交意兩君姿質
俱精金百煉不改色愈明兩君體性如美玉渾
渾厚厚蘊諸積上映亭亭巖上千歲之孤松下
方磊磊豐山百世之霜鍾松青不變四時色鍾
鏗一朝振文物予何人哉得附驥勉勉詎敢自
暴棄日莫長歌伐木篇三復詩人琢磨義

蕭長夫來訪示以諸公詩卷謂與予遊
從之久不能一辭為贈頗相譙責予賦
之不可辭亦不可皆有說焉名章俊語
前後相望無類次乎其間是覩西子之
容而自增醜耳所不容卻者予年十五
時海山官丁受琴于長夫今于年四十
與長夫有二十五年之舊辭之弗作其
可乎曰書長句

人生立志各有癖泱髓淪肌療無術君不學少年奏賦明光宮又不能棄麻穀粟去作田舍翁苦心竭慮淡泊音手携三尺綠綺琴七絃指下叢然鳴于以求見古人心古音寥寥失微妙鄭衛淫哇競蟬噪君獨優游夷愉廣厚而高明鼓有虞氏之南風賡之以文王宣父之操若人來索便與彈略不訑訑見顏貌絕之不作衛次公卻之常嗤戴安道願我與君幽趣同海山尚憶

初相逢我時十五始冠巾君亦壯年氣如虹夜窻攤衾月流空促絃初學調商宮別來二十五春風我猶故吾君學通五音六律知者稀一生辛勤造精微心存至樂物莫移殆類聞韶子在齊洋洋盈耳不療饑任從妻子相誦啼浮雲柳絮無根蒂世事乘除幾榮悴祗今物我俱忘情與君同尋方子春

衛次公善琴京兆尹李齊運遣其子與遊請授之法次公

非絕日終身不復鼓

溪橋晚步

一帶清溪淺漾沙
松橋橫渡野人家
平林盡處
霜風勁
楓葉翻
丹似落花

和張政仲見寄三絕

柘山盡處即屏山
若隔蓬萊弱水間
伐木歌餘
凝望遠
此心翻羨白雲閑
故人別去復一月
三絕詩章寄我來
我有青州
四從事已令挈至
待君開

方是閒集上卷

十三

藥畦菜圃足
秋雨菊徑松坡未就荒
請命當年
嵇呂駕便同看
劔引盃長

演平渡度姪別入城

前溪積雨浪拍天
人立沙頭催渡舡
溪雲貼水
濕不起
岸柳凝愁
絲亂牽石泉涓涓響
澗谷山
樹濯濯
延雲煙
客程東西風袂
翩去者自去
還者還

句緣切

政仲留飲醉書長句

春歸無計堪留連川原暗綠屯雲煙涓涓澗谷
聲潺潺夜來急雨春風顛天公知我愛山癖晨
光薄林曉日出浮陰掃盡山屹立疊嶂層巒凝
黛濕此時來訪故人居羶葦為我開兵厨真珠
滴槽不用沽沉酣相忘於江湖我不如阮公藉
相逢一醉六十日君莫傷陶困明欲令明朝重
抱琴且須相從痛飲師尊前落魄同襟期何如
沉沉深夜剪韭共春酌細誦工部生前相遇銜

杯詩

送連景昭歸三山用其韻

秋風乘興下三山不憚驅馳涉險艱別酒醉來
仍更酌征鞍發去且須攀身安豈畏路千里道
在元知命兩間從此莫教情斷絕尺書頻寄塞
鴻還

得意難兼熊掌魚功名隨分勿求餘或先或後
時而已將廢將行命也歟理性明中閑念慮

山深處著田廬君歸政好携妻子泉石尋盟能
讀書 見白樂天草堂記

侵曉書懷四絕句

石泉宵泠泠清響雜寒吹恍驚山雨來醒我一
覺睡

幽蟲聲唧唧感此秋夜長起坐彈鳴琴蘭缸炫
餘光

披衣啓外戶晨光清可挹綠樹闌蒼煙遙認楓
葉赤

踈星澹河漢點點在秋水微瀾漾殘輝曲沼過
遊鯉

田家

稻熟田間咲老農藂藂村鼓樂時豐新篔簹
花瓷碗醉倒扶藹夕照中

堆槃野柿間山梨酒美雞肥稻滑匙婦子團
常見面一生寧識別離悲

環洲江氏園

欲覽環洲勝，維舟步石磯。
踏舟隨野色，穿翠任春霏。
地迴知山遠，村寧覺水圍。
東風輕薄甚，桃李亂荆扉。

將口道中

沙平路軟足力健，麥細菜柔春意深。
淥水一變浮野鶴，青山兩岸喚幽禽。

妙湛寺

山迳盤紆露石根，一溪流水兩山雲。
齋餘緩步青松下，輸與蕭閑老惠勤。

晚望

晚雨送溪上，寒雲傷山飛。
白鷺去洲渚，潛魚泝灣磯。
舉頭行跡少，唯見暮樵歸。

溪園

溪園闢平疇，左右接林麓。
沉沉水浮堰，泛泛漚轉曲。
果木漸成行，臺榭亦營築。
何時東風來，吹

滿枝上綠

栽竹

綠筠移種不多時
添我溪南一段奇
會看明年春雨後
滿林頭角籜龍兒

種梅

隱淪冲冢澹生涯
芍藥櫻桃厭艷華
別亂剪繁踈影瘦
臨溪只合種梅花

書懷

大方是問上卷

十六

園成日以待東風
綠李黃梅已間叢
種竹自期千戶等
舉杯誰伴八僊同
機忘鷗鳥情相狎
興適琴書趣獨窮
坎止流行隨所寓
樂天知命一閑翁

簡康姪求先君石山

見好山如見高人
遯世薰爾清淨身
見拳石如接佳友
手摩挲愛逾瓊玖
我生嗜好不有冗
長物寓意蕭閑祇
在青山并恠石
往年都梁得靈

璧名以催詩廷座側去載還自嶠冢江女媧溪
頭纔落帆山靈見知情不凡乞我清波一塊川
墨塗嶢巖屏山峩峩高雲衢五畝下著吾儂居
牕扉面面挹山色真山假山互著萃舊藏英道
數峯碧恠恠竒竒總拈出一丘一壑在曾臆煙
雲盡向空齋集君家一峯良可惜埋沒庭除沙
土蝕尚思阿翁存手澤何不遣歸慰岑寂楚人
亡弓楚人得在彼在此理則一小詩代簡言從
予大書特書榜曰飛來峰

方是間一卷

十七

容子心坦蕩詎執違與從儻令長鬚勤送送似待
宿興國寺方丈與客對床

世間何事能感人詩人題詠為多情我亦執筆
書長吟詩吟未竟情已盈古稱白頭如新傾蓋
如故何似祇今握手見肺肝開口無毀譽古稱
共君一夜話勝讀十年書何似祇今對床談子
虛醉歌台臺咲盧胡昨宵春月如晝明與君

詩到三更今宵夜雨如盆傾與君勦勦直到
鼓鳴醒來莫問陰與晴但聽簷溜飛泉聲明朝
又作穿雲行巾紗杖竹屨芒輕遇酒酌彼兒戲
逢花賞其芳馨見賢者如接芝蘭對俗子譬之
蚊蠅勿與物忤競勿為事絆縈陶然樂吾真是
謂義皇人是謂葛天民

秋池曉步敗荷萬柄一花挺然可愛伯
益賦詩和韻錄呈元翰敬叟君明季僊

方是問上卷

十六

求同賦

蕭瑟秋池撼曉風江妃旋旆水雲空未教零落
千擎雨尚借柔酣一點紅弊蓋高低騷客賦寒
衣裁製楚人工誰憐夜枕驚殘夢恨在繁聲點
滴中

楚騷有正有反予既以數語詠獨開荷
花諸公寵和工甚輒拾餘意反作一章
一從炎暑變秋風識破誰摩色想空豈有三乘

盡法尚憐孤艷十分紅
唯慙寡陋吟懷海
爲諸賢司法工共倚闌干
休悵恨典刑猶在
我筵中
予有金荷少刻當出之備觴也

長句簡敬叟季僊兼呈端夫申父晦仲
士生樗散甘嘉邈頰首衡茅敢尤怨良勿益友
肯顧臨講貫漸磨篤明辨年來瘖啞瓶守口俗
子汚人如避箭論文謾說契金蘭厚貌深情半
譏訕念君與我情不薄一忝從遊一親眷竭來

終日坐書樓喜劇論文幾昏旦麴生風味亦不
惡抵死絕交良可歎曾中磊砢政須渠叻噪腸
枯賴澆灌孟公舊不論并斗驚座丰姿設竒觀
富文博學子游子秀楚翹英穎鋒見吾雖不敏
逐後塵斬將塞旗共酣戰祗今便造無有何相
與神期遊汗漫既無三雅伯仲叔不有巨杯解
角散請觀管輅揚子雲欲作九原誰可喚酒不
離唇元乃就三斗頓傾辭綺粲二公洞達踈通

豪妙語仍煩下一轉養浩堂中顯惠然急味
華深柔翰

余少日不能持養志氣所暴多矣邇來
方喜問學之有益也近築小樓藏書樓
之下建堂名曰養浩七客落成以善養
吾浩然之氣分韻得氣字

吾非北宮黜挫若捷諸市吾非孟施舍量慮三
軍畏一憤刺客流一入力戰士知一不知二遂

與聖賢異周孔得其傳偉哉孟軻氏講明不動
心因問發竒秘氣壹則動志志壹則動氣浩然
得所養知言有深味嗟予篤學心一曝十寒靡
立志苦不早少豈達茲義所適昧善惡幾溺之
功利事情更磨多晚乃能自礪日用根本原至
大至剛意餒然行有慊何謂塞天地服膺明終
言造次顛沛是

與政仲端夫敬叟季僊至舊園采芡

蓉金菊之妙時之所當艷者江梅海棠
爛然照目可無數語紀之為書長句

秋陽杲杲秋月明秋風泠泠秋露清蕭騷池上
萬松竹鳳笙龍管吹秋聲山亭與客坐夕陰眼
然萬象前橫陳一年好處若此好妙質欲紀難
狀名那知天上詩酒星翩然騎鯨來玉京浩然
相對發思竒句法普現千古情詩成不用世間
語五言七字虛皇吟霞明皎皎芙蓉城香霏楚

楚月魄精海棠婉孌鬪繁艷江梅冷淡同芳馨
東籬采采萬疊金西疇更刈千頃秔人生得此
亦不惡措辭莫謾悲愁生先生年來真脫俗看
破世間榮與辱曾懷坦蕩適四時豈但芳華競
馳逐祗今忘物物忘我物我兩忘機印可不知
門外秋水深不識紛紛朝市心捲頭新篔簹初
熟茨盤剥珠芡切玉是秋是春窈難詰折花薦
酒酒蘊濕萬緣空虜豕能休休八表神期汗漫

醉鄉廣大塵世促明日酒醒詩載續

和劉伯益朝菊韻

虛隨斗轉屬中宵草木凌競菊粲條錢疊夕陽
金櫻儂藥浮秋露玉鑄雕不隨俗子媚時好長
伴幽人避世囂冷炙殘杯愧徵逐曲肱只合友
顏瓢

康姪招飲出示古洲所寄盆梅囑坐客

賦詩分韻得言字

嵌空竒崛石一拳綠蒲攢劍森且蕃虬梅屈折
龍蜿蜒蒼幹蘚蝕低盤根瓊英已露冰樣白香
氣便覺凌芷蓀吁嗟培養幾歲月巧奪造化移
小盆晴牕諦玩意無數搜索物理究所原方圓
高大僅尺許典章文獻皆具存橫斜踈瘦無不
備宛若老樹生山園鄉拜疇昔少曾見此花何
自来幽軒云是古洲老詩伯親手植此冰雪魂
不心交舊情好密春色分遺歸山樊吾家小阮

亦好事羨不獨擅招弟昆更呼賓友同騰集羅
列槃饌開鬪尊舉杯對花與劇飲情話款洽相
笑言歸來漸是東方白醉帽歌傾風袖翻

飲東屯庶姪家賦臘梅和陳簡齋韻

釋迦黃面禪可誇色想熏漬霜中葩不然安得
白玉藥而乃幻此黃金花信知造化真有瀟蜂
鬚釀蜜蜜釀蠟蠟凝花房豐不腴桃李漫山焉
可如繁枝摘索燦栗玉吟搜西郊信杖扶小頭
夜窻踈影掛明月是蠟是花君自別

北山園山石為形勢買盜夜半擇其尤

者竊去累日懷抱作惡賦詩以紀鬱鬱
素志薄利祿壯年營林丘種樹疏間泉鑿沼開
中洲堤平水瀾漫徑達竹淨脩梅塢夜月亂松
岡曉風颺猶以景象淺欲廣巖壑幽疊石類竒
品置身將侶傳磊砢質偉特嵌空神瑀鏤廬阜
几上得巫峰坐中求每想雲氣噓遂覺烟練浮

曳杖日以樂縱懷吟無休一朝失警巡赤眉行
盜謀夜半負之去公然從狗偷檢視所寇攘嶙
峴拔其尤此情實難堪遣命窮蹤由風聲雖有
聞形勢莫可搜吁嗟世道降人弗士行脩竊玦
入志慮攫金甘輦流不念溺所習竟為前哲羞
今吾理自喻委心任去留甌墮雖不願壁歸猶
冀收

送術士周栴歸東陽

方是間集上卷

廿四

射策彈冠莫浪言經丘尋壑且隨緣誰能守分
閑居世自斷此生休問天久矣知君該妙理今
焉過我話流年歲寒事業相期重欲植孤松驗
果然 鍾輻事

春夜對月彈琴有懷

一春春雨連春陰今夕何夕月滿林舉頭遙望
星漢碧皎皎明鏡懸東岑欄干浩歎三顧影有
酒有酒誰悔斟我思兩弟怨以喑邈不可見

締心含愁更奏綠綺琴匣中埃塵塵土便解絃
更張試促軫怨入懷抱難成音兩君青春竟瓶
沉天闊悵望商與參高高在上杳難詰矯首涕
泗憂思深欲結今生未了因尚蘄來世盟可尋
君遊九泉聞不聞安知阿兄心悲吟

瓊花

團簇繁英玉碎圓露晞日暖欲生烟親從后土
分竒種不是人間聚八僊

繁釐觀裏舊經遊五月曾看綠葉稠今日家園
玉棹樹春風吹夢到揚州

送庾姪親迎延平李先生家

庾郎吾家千里駒朝莫勤苦讀父書少年綽有
老成態月旦考訂評鄉閭明當別我擇賢妃

去聲

結束琴劍誰挽裾春空吹晴惠風暢煙草弄色
和氣舒野橋融洩柳絮合石岸慘愴鳴鷓鴣乘
龍有期弗獲錢數椽政葺淵明廬旅愁冥思莫

排遣離恨掛臆難掃除况當春晚氣暄淑芳
欲醉甘醴如脩程所囑善養攝禮畢蚤辦雙履
輿婦翁傳道世大儒習俗再使淳古初稔知賢
舅繼家學子如從之師有餘歸來阿叔待審訂
義路禮門從廣居

傷歌行

原原而來白日跳丸莫可留混混而去青春過
隙不能返誰憐生者長自懽不念死者日益遠
吁嗟此理從古然世事浮雲共舒卷我生頽影
空伶仃鴈序零落如曉星悠悠天道不可詰黯
黯悲恨無時停可堪嫠婦束行李挈取稚子同
歸寧

夏雨歎

君不見去年六月田作龜兆拆禱祠乞雨遍村
陌時當饑饉民不聊穀貴有錢無處糴今年六
月歲幸豐十日一雨五日風市積粟米價不長

有穀無錢人更窮吁嗟此道孰識測街頭細聽
老農說往年兵興錫賚多官會頒行姑濟急舊
會既收新會降所司稱提苦無策朝廷明許同
見錢便當流轉同貨泉不應州縣首送官榜示
墻壁徒奉行庫頭令賣小印齷輸納租稅私相
權通來輸納租稅並用就官庫買否則弗受及視官會為私物而不用非錢買齷
用不得執幣嘖嘖煩有言遂令百姓愈惶惑行
之與否誰使然小臣空負濟時術閭闔九重無

路入何當奏計承明廬傾倒賈生長太息

廡庭自三山送荔枝分韻得緗字

炎精孕秀儲氣祥荔枝結實魁群芳我有猶子
客南服千里眷念情不忘星馳走寄一千顆伏
暑火熾勞取將筠籃初開氣芬溢稍覺四座浮
清香驪珠燦爛光奪目瑠盤飮餽羅滿堂先廟
未獻不敢嗅色味雖鮮那敢嘗少頃祀畢分送
似賓友拉至紛攫攘絳囊初剥拆霞縷玉臉漸

縱流天漿手持奈此水晶粒地積更詫雲錦堂
海鄉因記少日好遶樹食啗高價償婆婆碧綠
攤平野丹苞穀皺暉朝陽初驚星火爭耀熠爍
訝彩鳳爭翱翔薰風吹開碧雲葉綠水宛頽翻
蘋魴只今老大將底用食此感激意故長君不
見方紅陳紫列紺紺三十二品裁中郎丁香核
小味甘潔何似釵頭十八孃天生美實限南北
長安路遠價愈強只今生食享至味不數蜜漬

鹽蒸方又不見宣靖文物全盛時貢輸不減開
元唐輜車縱橫繡衣使海內騷動封紙黃妙品
人間那可得置以走轍加浮航似聞供上祗纖
悉往往盡入公侯王驪山往事不古鑒良嶽馴
致胡鷄狂至今故老尚能說空使悲憤縈肝腸
書生不負醫國手賦成何日奏明光不如且喚
吳姬輩咲摩輕紅入醉鄉

梅花自秦而漢下無一語焉至宋鮑參軍

始賞其音而寓之詩然則梅之見于賦
詠者實自明遠始也用韻二首

梅花落

唱首鮑照明遠

中庭雜樹多偏為梅咨嗟問君何獨然念其霜
中能開花露中能結實搖蕩春風媚春日念爾
零落逐風颿徒有霜華無霜質

落梅

片片玉零亂寒風生驚嗟凍雀相飛鳴挽啄苔
上花鳴飛饑腸不能實却上煙梢照斜日愁逢
冷淡太寂寥不似春風艷陽質

聯梅

色異政自貴香清未堪嗟靈蜂擅造化幻作姚
家花丰姿輕明體元實染透薔薇毓晴日從稱
紫暈黃檀心桃李依然是凡質

二月二日東屯感懷

春波渺渺柳依依芳草侵街蛺蝶飛萬景橫陳

空物是一區幽僻念人非沉悲逝者去不返
挽已而今曷歸回首鵲鴿原上路感懷贏得淚
沾衣

野館

野館春歸後橫塘度柳綿輕風翻麥浪細雨落花
天草褥迷三徑苔紋疊萬錢山禽自呼喚水
竹倍清妍

閑居即事

方是閒集上卷

三十

山水縈洄處士家春林環合翠交加行吟溪岸
牽垂柳坐倚欄干數落花萬卉萬葩天長養一
丘一壑我生涯長瓶芳草醺然處不向愁邊感
物華

紫溪莊即事

嶂碧楓丹色倍鮮路回烟裊認前川霜陰釀晚
意將雨風厲裂雲時見天古木葉彫烏矍鑠平
田沙冷鷺聯拳稻梁割盡村原迴落日牛羊傍

眠

雲際峽中

野渡煙迷谷寒潭水漲沙入雲千萬岫出塢兩
三家澗古泉仍石山空菊自花柳塘冰欲結相
對祇棲鴉

西巘觀瀑水篔沈莊仲三首

雲潤衣裾夕露霏懸崖一水散疎簾精廬隱約
青山下縹緲飛夢出畫欄

人方其間集一卷

廿一

踏石穿雲野興添倚崖昌歎綠纖纖幽人近得
安心術擷蒲湘籃意未厭

暮雲新月一鈎鑷歸路溪風動碧蕙美酒不妨
車後載夜深無處認青帘

窰前小酌和外舅韻

五馬旌旗去路長筍輿穿翠度羊腸霜餘綠橘
漿尤美秋晚黃花氣倍香勝景形容詩入詠
情排遣酒傳觴風流大傳何須詫獨載東山翁

飛爨

題壁

午日柳陰正曉風花氣新
川明魚泳水林靜鳥啼春

遊九曲

三十六峰高插天
飛遊誰不慕真僊
幔亭舊事隨流水
空自溪頭喚釣舡

武夷山

十年不到武夷山
幾與神僊絕往還
九曲依然青嶂裏
一峰仍插畫欄間
潺湲野水溪隨轉
縹緲秋雲意自閑
我見溪山渾似舊
溪山見我鬢毛斑

鵝湖道中

去城十里路盤紆
幽徑平岡駕小輿
認得鵝湖山下路
綠松巖畔擁僧廬

分題得雪浪齋石

四海廣大萬山立奇恠
崑崙幾巖石棄而違者
庸有之愛樂去聲每恨沙土蝕
忽然一旦獲所遇
剗垢磨光呈美質
騷人諷誦脫諸口
世寶不減和氏璧
東坡居士豈好奇
偶爾得之心良怡
巨盆沃以清漣漪
脉絡雪浪縱橫施
平生我屢踐此詩
恨不見石心飛馳
何人志古墨寫跡
剗藤漆就貼東壁
似是而非不可知
誦詩對畫長嗟咨

伯益以玉舟相酬酢席上口占二絕

新年殊未有吟搜
美酒醺人不自由
多謝主人情意厚
玉舟三度轉舡頭

元正講禮詎能忘
便辱留連設酒漿
拍拍一舡春盎盎
嵇山應未愧知章

次劉伯益三詠韻

方竹

烟梢脩直畫簷低
春曉叢疎綠玉枝
節立孤高

處靜處身持敬義直方時清風戛玉聲搖佩在
月節金影散墀寄語幽人勤愛護莫教斲削俗

髡知世云前圓方竹松間喝道花上照根皆
殺風景之甚者俗髡事見本 衛公雜說

耐冬子

雪裏婆娑結子低山童應亦訝卑朽幾年開落
慙無取一日搜吟信有時紅實索索臨曲砌丹
苞簇簇耀幽墀古今未見多題品却恐君詩取
世知

大方集上卷 廿四

金鳳花

鮮華五色翅飛低不比尋常鵲踏枝德茂翱翔
丹穴日琴清調弄紫庭時羞同鷄鷲喧堂宇咲
把金銅鑄殿墀何似花欄自生長幽芳端不在
人知

度姓從事行親迎之禮於傅氏勿舊各
賦詩贈別老林雖淒涼阮巷老大謝家
無可數語以餞行色

曉露沁桃臉東風搖柳絲
小雨歛香塵山川發
華滋今晨天氣新
滿路春融怡相餞
賓從懽喧
譁車馬馳問云何為者
吾子有所之所之道匪
遙求友貴及時婚姻古則然
制禮今或虧琴瑟
固好合蘋蘩尤謹持擇耦得賢柔
令淋全婦儀
豈但榮己身實將慰母慈
水翁君子儒材術世
吏師聽訟鑑燭物明不差毫釐
子既獲晤承朝
夕廣見知士生三日別猶以刮目為此行諒經
月歸計春仲期非吳下阿蒙行可驗措施心廣
體自胖勿弱小智私門戶要人興責望夙所蘄
廟見事唯謹遙邁母或遲語直殆達耳願當深
致思

寄謝叔通宗兄題耕隱詩韻

雲隴躬耕新雨足東阡南陌水滄淪
市朝軒紱秋多事鹿豕漁樵欣興隣
我欲為謀三畝地

詩借我三畝地結茅為子隣叔通云
亦沙携家相就住尚堪同作耦耕人君能來共

一犁春蚤知世路風波險俛首無令愧野人

寄題吳介六專壑七詠

壽藏

負鍾劉伯倫坐壙司空晷誰為後來達息庵與之俱

息庵

日出機事生日入群動息吁嗟利名子逐逐何所急

今方集卷二

廿六

止宿

杖翁
大路古茅塞問津欲何從雞黍相款留賢哉植杖翁

貧閑

鍾鼎本玩世富貴徒苦人何似天地間蕭然一閑身

洪澤

酌彼洪澤水吾知非盜泉舉世望甘霖喚起神

龍淵

橫舟

山崦少人渡夕陽橫釣艇顛風捲重陰急浪揚
層波

專壑

竹原與草堂轉眼事非舊一壑今獨專造物有
付授

余讀林子仁詩云君心恨不走天涯不

方是間集卷

世七

比衰翁只戀家最是橫塘黃葉路今年
無伴折梅花時吟此詩念劉伯益之未
返偶檢校前村南枝的皜已三花五藥
矣忽伯益自黃檗歸訪余折歸挿玩知
友勿之念有同然者對花劇飲用韻述
懷

梅邊春興浩無涯長憶西湖處士家我政念君
君過我夜窻同共醉踈花

妾薄命

佳人命薄今古悲苦樂在人知者誰鏡裏窺損
春黛眉洞房不出藏繡幃二十許嫁豪家兒阿
爺已受筐篚儀心旌暗許良人隨那知中道前
議非父母反覆志願違嫁歸只得隨身衣金幣
粧飾無所齎婦德婦容雖守持阿姑色厲妯娌
嗤良人輕賤恩意虧春波不似鴛鴦齊春風不
如雙燕飛妾非無聲不敢啼妾非無淚不敢垂
此身自恨生不時怨讎父母將何為不如携將
六尺帛黃泉冥行與世辭父母安用深致思此
身期與良人知

中秋分韻得雲字成三百言

今秋苦淫雨漲汐添溪瀆新涼值月夕密靄高
燦燁稽首告天公懇念心良勤天公知意識感
應若有聞瀕臯傲豐隆蘋末生鱗紋庭臯一震
拂龍首飛秋雲忽然朗穹昊萬象蒙奇勛舉頭

見松梢光照草樹分乾坤兩瑩徹爛白無邊垠
我歌忽如狂我醉茫如熏桂酒雜樹漿醞釀騰
馨芬皓魄耿素懷幽思殊不群冷然冰雪腸頰
醒麴蘖醺便欲泥沆瀣盤饌遺羶葷遙望瓊樓
僊霧綃青霞裾何當下招呼上征離塵氛去年
當此時浩飲逢諸君今載復肯來持杯共論文
相從豈無他群聚徒飛蟲苟得嗜利輩抑何掛
牙齧豪傑所願交黃金勝千斤喜得詩謫仙恨
去髯將軍衆子賢共推奚用區猶薰愛客綽祖
風蒲席生歡欣叅橫斗轉杓魔崇相糾紛欲眠
君且去陶語吾亦云慷慨有大劉浩氣充棟礎
十觴不能醉餐嚼無餘腫鳴雞忽唱曉杲日東
方昕歸路龍桂香幽巖麝沉焚

賦祝次仲八景

瀟湘夜雨

移艘繫濟浦傾蓬聲更豪謾起湘妃恨長歌靈

均騷曉汐漲何許微茫泛江臯

江天暮雪

雲癡天四合密雪灑石砭野渡滅行跡岸沙橫
孤艘誰憐鶴髮翁披簑釣寒江

山市晴嵐

貿易足魚米相逢話桑麻村墟人蟻紛日夕山
氣佳酒賤蔗菱馭樵魚自生涯

烟寺晚鍾

鍾聲煙際來佛屋樓雲端回颿度岵谷踈韻出
林巒東岫上明月歸僧濯清湍

漁村晚照

輕策著蓬背日暮漁者還新月印淺水夕陽生
亂山誰歌采菱詞隱隱過前灣

洞庭秋月

木落露君山空明夜氣浮冰輪揩鑑淨皓彩漾
波流煙外數聲笛孤吟人倚樓

平沙落鴈

米落舟渚闊天寒風雪微自雲排序下聚翻與
沙依饑啄蘆葦根何時稻梁肥

遠浦歸帆

歸鷺林邊白落霞天際明蒲帆載風急征棹逐
漚輕稚子候江滸遙聞嬉咲聲

僊洲呈劉伯益沈莊仲

杜門久經時老我徒謬悠平生山水心汨汨不

暇謀今辰定何辰木落風露秋忘懷兩佳士共
約來僊洲杖藜欣躋攀空濛翠煙浮解帶小盤
泊尋勝還經丘捫蘿坐石冷俯澗穿林幽露重
巾履濕沙厖青山頭瀑泉晝生寒晴雪散不收
蜿蜒下大壑一闖千丈虬歸來坐危亭興與孤
雲留野草為誰好巖花徒爾愁昔賢有遺蹤俯
仰歲月流慨嘆不自禁陶然聊消憂

密庵題柱二首

清鍾靜室破寂歷灑氣空山生沉寥長林風送
澗水急聒枕宛似春江潮

五更清夢雞喚醒八月好景詩為催秋蟲夜靜
野禽語風木天寒山雨來

責康

我生不辰八歲孤伯父薨逝叔父無長纜十五
立志苦不敢怠惰知讀書汝生父子不識面母
慈育字如捧珠那知汝更命苦極八齡甫及母

方是甫集上卷

甲二

亦殂幸有阿叔相持扶叔亦痛念同氣餘辛勤
鞠養力盡瘁五載為汝六請師固知門戶要人
興切切訓誨口欲枯有言弗聽日益懶乖劣氣
習移下愚竭來值我有行役恐汝質變為小夫
勢俱不憚數千里跳走健勝猿與狙水行為汝
變江湖出陸每愁山險紆川途憂愁念慮苦摩
豈啻親子如傷舟終日滂蝦魚坐輿人夫肩
背嘯徒自費牙頰事不獲已施鞭蒲濬窺

諦視不少改譎浪咲傲仍前初聖經有味懶不
讀對字粗曉平側呼吾家七世身業儒忠孝學
術誇鄉間汝當更明所自出挺挺當代文公朱
不悛祇為先德羞失教何異犬馬豬稍長面目
益可憎儕輩戲弄人見踈我今極口復汝說速
宜悔念母忽諸嬉遊儻更不檢束命也奈何吾
已夫

光化儲文晨興摘郡圃桃見惠每顆有

方是間集上卷

四十三

重十三兩者他州未嘗見頃讀鄴中記
勾鼻桃有重二斤者每竊咲之觀此信
不誣矣光化去京止六七百里且地脉
肥沃疑承平時得種來植

金盤磊砢大如瓜照乘驪珠未足誇大矣芳苞
含美實爛然紅臉燦朝霞臙脂細擘漿流液珠
琲輕揮露帶華一洗宿醒牙頰爽瑤池如宴母

僊家

安康中秋書懷

去年中秋吾廬成月華逾晝風露清今年中秋
果安康風涼雨冷天無光去年把酒諸子與月
落尊空未歸去今年把酒興如故有月無月不
須慮婦翁歡喜婿遠來阿嬌見爺雙鬢開是風
是雨是明月管甚陰晴與圓缺但願吾身益強
健莫使骨肉嘆南北

七禽詠

貫錢石八豆

貫錢石八豆充腸備梁糗飽嬉遊手兒初不事
耕耨好衣好食街市女汗珠滴滴田婦苦夫耘
婦餉日卓午朝夕南山捕蟲鼠

不如歸去

不如歸去愁綠怨紅春欲暮汝勸行人歸行人
勸汝住鳴聲不住良苦辛啼得血流無用處不
如歸去吾今歸千聲萬聲爾何為

泥滑滑

泥滑滑泥滑滑前聲住後聲發不道去年冬沒
雪今年春早已三月月如金日如血大麥小麥
盡枯竭史君祈禱走阡陌汝切勿啼泥滑滑

行不得哥哥

行不得喚阿兄向晚夕猶悲鳴坦坦之途萬人
履跋驚不休跬千里汝行不上可奈何日暮途
遠無蹉跎

姑惡

姑惡姑惡家道立汝為人婦供婦職婦德婦功
汝不能抱恨歿身空怨抑不化秋栢食不化山
頭石化作春鳥鳴號啾何苦極

提葫蘆沽美酒

提葫蘆沽美酒酒美欲沽何處有官醪道遠不
可得村釀濃酸難入口况當春暮暄暖初沉浸
醲郁醺體膚客中醉倒無人扶

早耕早布

早耕早布節物如流春色暮金房土瘠無稻田
布耕播種上聲種去聲何處一春焦涸旱無雨麥穗
藏頭猶未吐麥穗不吐人不憂粟田再種秋可
收只愁夏料欠輸納悍吏坐門官不休

鄭鄉舟中睡覺書懷

晴空揚沙春茫茫柳絮匝岸東風狂蓬牕兩畔
高挿起收拾萬象供吟章眼中物物盡時料應

方是周集上卷

早六

接不暇勞迎將睡魔欺人晴晝長坦腹一枕追
羲皇醒來意興難說似石鼎細味煎茶香江花
無情為誰芳江草綠嫩肥牛羊瀾瀾渺渺水曲
折遠遠近近山低昂客懷解后良未惡隱几抱
膝聊徜徉故人念我天一方我亦千里遙相望
相思用情何日了帶圍寬剩羞東陽不如且理
文字五千卷搜吟拄腹撐枯腸

甲口翫月

山頭團團上明月偏與行人照離別月華只是尋常明照人離愁愁思盈千古萬古是箇月如何有愁有歡悅君將此理細推尋悲歡元自由人心

蜀口枕上

清嘯孤猿半夜啼子規山狖共酸悲水風露月煙江冷正是離人睡覺時

淨口二絕句

方是閒集上卷

甲七

一江春水綠油油遠盡春山去不休愧我虛舟無定著追隨曲折與同流

脩脩野竹碧琅玕亂石懸崖劒戟攢貪看野禽穿綠樹不知舡已過前灘

釣磯候舟

可以賦新詩江清釣石磯船移山勢動灘急岸形飛雲日林紅薄晴煙野翠微長歌漁父句世事付蓑衣

溪亭醉卧用季僊韻

客眠幽夢永花氣著衣深
携借溪中石雲開體
上衾醒來揩亂眼風雨
滌煩襟得句無人解
惟予識子心

次溪園紀實韻

随地安身樂有涯
萬鍾於我我何加
左蠶右觸真成幻
浮利虛名摠是花
草茁玉英新藥壠
火添金鼎舊丹芽
異時相見無驚訝
漆點雙瞳臉

方是閒集上卷

甲八

瑩霞

新霽和人韻

晚天未霽烟張去聲霧浮埃
蔽空雲擘絮西山遠
掛月一眉澹澹寒輝生
綺戶須臾仰視天中央
清飆震拂銀河光
人影在地林影散
月出皎兮星斗燦

次叔通推官見寄二首

海錯園蔬富矣哉
杜醪龍壻一時來
放杯停筋

情何似徑造無何半日田

時惠王家酒鮓鱖菜

君比昌黎頗似之彌啼不問但吟詩貯儲甚愧
鄰僧誼不與盧仝更與誰

久雨秋懷二首

孤雲野鶴情自在碧水丹山人易安哀鴻獨叫
暮天闊宿鷺雙飛秋雨寒蔗林遮眼青到市柏
葉漫山紅隔水不將濁酒急驅除滿意風光誰
料理

方是閒集上卷

四九

漢陰抱甕自其志彭澤折腰非本心碧梧委路
霜信早黃菊護籬秋氣深稻場可羨西疇老紅
釀黃雞醉翁媪自咲吾儂計太迂愁蒲吟懷詩
未了

再次叔通來字詩字韻二首

秋雲冥冥未開霽搔首懷人人未來特地送將
雙鯉去果然換得兩詩回

誰念溪翁我念之折腰為米見諸詩春秧夏種

苦繁抱不似東坡更似誰

見東坡羅米詩

次叔通見寄四首韻

萬箱未獲交偏謫積雨不翅三日霖如將翳處
日忽露似欲霽間雲復深况當邊報置郵速詎
識老儒憂世心讀君詩罷三太息嘿不晤語行

礪陰苦雨

掀髯停盃一問之細讀白柄長鏡詩我生託子
以為命世路難危徒爾為北闕不少書莫上西

今是問集上卷

五

山有味去何辭流風餘韻只在眼須信古今同
一時乞米

江山到眼一披豁世念攬思三宜休文章苦心
不瑣琢歲月老我徒謬忘欲譚圓覺識佛祖更
幾行獲期浮丘宗盟暮年味嚼蠟灰木萬念道

苦繁抱不似東坡更似誰

五峰環抱潭一曲溪頭植楊柳籬下栽
猿猱極香遶舍利柿熟歸來書在床出

去雲滿屋蕭散樂予心可謂享清福晚福

東屯莊監秬六言三首

讀書不執箋注治生奚用豐財詩吟一首兩首
酒飲三杯五杯石田茆屋無恙不與亂生蒼苔
天末鴻飛無際沙頭鷺立倍鮮霞明東崦箇裏
煙抹西山那邊上馬吟詩未竟舉頭望月俄圓
割盡黃雲萬頃春成玉粒千倉出甑香粳滿舍
壓糟新酒盈垆田家慚愧時熟官賦催徵可償

八乃是開集上卷

五十一

邀趙行之陳敬叟未至四韻速之

一別親匆歲月催衿連袂屬肯俱來交情聊叙
慇懃意野歎隨宜三兩杯新月窺簷頻起願清
風動竹幾驚猜碧雲日暮山環合竚立柴扉首
屢回

陳洮湖取古今梅詩自鮑明遠降至今
日名勝集中所賦悉和之凡千首計三
十六卷十日然後讀畢用其叙中四韻

和題其後

照眼梅花雪作堆陰厓寒谷帶春回千篇墮我
吟邊去萬里懷人書未來遶樹政須搜苦語攀
條那忍負芳杯長鏡幾度鋤明月盡是劉郎手
自裁

和林處士梅詩八首有叙

和靖梅章傳播今古洮湖賡和發越
詞華殆使後人不復敢措諸辭然人

方是清集卷上

五十二

各有懷吟各有趣何遽縮氣今雖千
篇抑未為富焉異時騷人詞客吟賦
不已吾見其少也未見其多也偶夜
醉一筆和成不自知其句語云何吁
是豈予之言哉梅憑言於予者也諸
兄亦將為梅所憑矣母作寒蟬致梅
姍晒

年年江上見梅時憶著西湖處士詩香暗影疎

清到骨水邊籬下雪融枝可知寒谷先回律會
聖東皇肯與私竹迳松扉留作伴莫教風伯肆
狂吹

芳菲猶未露春妍已是梅開溪上園香靜細參
花外意眼明應笑霧中昏自憐拙思污吟筆誰
賦新詩入夢魂風味滿前難料理急招佳客對
開尊

梅花濕露未全乾青女橫陳故作難夕醉醉如

方是閑集上卷

五三

申醉醉晚寒寒似曉寒寒園林雪後清孤其京
洛塵中子細看自是丰神無與比肯同桃李戀
雕鞍

寂寞吟懷誰與開前村除是竹邊梅清尊撩觸
香三嗅短日吟搜腸九回石路與風隨袖入茆
簷和月上牕來謂暗香
疎影幾番客散庭空處獨倚
寒梢更一杯

犯寒不怕雪蒙頭踏石穿林不暫休千首詩成

千首意十分春瘦十分愁飛添宮額糝同
插鬢雲香共留勉續清吟知筆弱苦無風度
花羞

雪皎花明夜不迷借光何假吏然臍詠吟自我
形長短斟唱從渠付淺低誰識標梅詩十賦絕
勝紅葉御溝題明朝杖屨山行去約束牛羊勿
踐蹊

一樹纔開玉未殘忍些風雪耐些寒不須俗子

今是開集上卷

五十四

聯翩去政要幽人自在看白玉堂中春信早黃
金錢裏酒痕乾後凋孰與堅盟約松竹青青共

歲闌

尋春山徑坐班荆食壘芳尊後乘并觴詠隨宜
無限趣塵囂不到有餘清風流天賦幽閑態寐
冥霜明冷澹情若把春葩歸品藻此花端的冠
群英

與政仲山行見梅偶成併和其詩二首

巉巖石壁據涯崑烟檻風篁十數栽約客偶行
花外遙舉頭俄見竹邊梅背陰寒谷無人問著
句陽春有意裁慚愧心腸非鐵石携壺遶樹日
千回
梅花端的記年芳每到開時趁一陽綠水湖邊
和靖句含章簷下壽陽粧昏昏澹月踈踈影緩
緩清風細細香不比芳春萬紅紫蕩人狂思費
思量

水僊花分韻得鴻字

借水開花體態豐護畦寒日玉瓏璵素槩黃瑛
清尊並綠箸青簪白髮同楚楚凌波明振鷺翩
翩遵渚潔飛鴻斷腸莫賦招魂句我政憐渠趣
未窮

感事懷人送春病酒曉起五首

把酒傷春暮何人慰寂寥才高融未薦魂斷玉
空招賦就青陽曲吟成白紵謠拊欄三太息幽

憤幾磨消感事

節物隨時換朱明斗轉杓波肥溪鱖壯風暖谷
鶯嬌青草溪頭岸紅欄水際橋懷人無數舍我
欲致書招懷人

煮醞青梅且共嘗遊蜂飛蝶為誰忙鞦韆綵索
迷青草車馬紅橋頭綠楊春事戰回蒲劔老詩
腸結盡柳絲長韶光賦別休匆遽凝佇東風更
一觴送春

積雨平田水接天乍晴雲日煥山川淨無餘馥
延春艷縟有繁陰長夏妍泛泛荷衣青倚蓋輕
輕柳絮白飛綿一聲布穀催清曉節物驚心撻

醉眠病酒

雙眉不皺樂平生一斗時能對客傾曉枕恰醒
紅日上篆爐未歇紫烟明畫橋貼水輕飛燕綠
牖依山靜轉鶯隨雨隨晴看天氣緩緩扶筇杖遠

園行曉起

賓從集蕩花堂分韻得園字二十韻

流金爍石火燎燔何地泄此畏暑裨草堂幸有
茆三間冷浸十畝泉有源音泉琮琤下空山金石
屐擊聲潺湲太華峰頭十丈蓮吾儂玉井親移
根開華結實今幾年紅幢綠蓋風翻翻捲舒萬
柄搖蒼烟香苞芳萼錦綺繁雲將急雨珠濺圓
日焙晴酣香勝蓀龜魚竊蔭鷗鷺眠勾致屬玉
棲雙鴛房青子碧甘剝鮮蕩白條翠冰堆盆嚼

之清泠醒醉魂猶可招邀慰文園君胡不聞李
謫僊聲名飄然譽開元忽傳詔草白蓮序一掃
意到無餘言又知蘇州韋不凡風清月曉之江
樊形容委曲識花趣妙語歷歷成訂論我今對
花難著句挹取香氣臨牕軒俱來亦有二三子
將壇共築旗同擗搜吟速下一轉語縮手無用
前輩尊但今次之二老間勿効砭砭亂璣璠
需紅日西沉山從容特爲開芳尊晚色

麗娟詠到東方生曉暎

外舅安撫遊東湖一聯云潤衣紅濕
荷雨拂面清冷檻竹風即席令足成
庚伏人間暑氣隆納涼留客詠詩翁潤衣紅濕
池荷雨拂面清冷檻竹風沙甯舊痕平不露野
灣新漲曲相通畫橈澹月人歸處萬蓋翻翻湧
翠簫

楊戶曹用外舅二詩韻見寄和以酬之

今是園集卷上

五十八

得不知所止泛然乘風船正大辱啓蒙似欲駕
我僊大哉周孔心異彼祇漆園講月琢以磨豈
在耘人田

切問而近思進進在不已流光駒過隙遷變一
彈指道大無津涯詎作井蛙喜公私義利分亦
各從其類

請遊山之日於黎廣文二首寺有萬竹
此君元不俗幽趣逼蒼官濁世三庚熱空山六

月寒何憂懷抱隘便盪水雲寬敬請遊盤日追
隨杖屨看

聞說江隈裏雲藏古寺深不妨相喚集作意共
登臨苦茗供朝盃伊蒲饌晚鶯天風吹皓月歸
路細披襟

上王通守傳易數名文孫王沂公後

大哉皇羲古神聖八卦始畫天地闢乾效於天
坤法地六子運用眇難測天理人文一宣朗萬

方是問集卷二

五十九

化昭然從此出發明洵更三聖手動靜機緘皎
如日自從戰國周綱頽是道亦幾乎暫息漢儒
衆說徒專門後世可聞無幾及傳流吾 宋盛
文物學老儒宗相繼述濂溪伊洛紹韋編數至
邵公精筭策祗今 南渡九十年統會宗元孰
探蹟恭惟先生蘊其祕口不宣言藏以臆愚雖
不敏敢敬請顛執門墻灑掃役先生學識際天
人先生手提六經筆俯察仰觀關鍵透虛澈

心參大極不鄙愚昧謂之進啓迪狂迷窺
他年衣鉢得親傳誓言力造神明德

和

先天奧學果何傳造化機緘存闔闢精微儻
入神範天地謂可俄而測粵從三畫抉秘蘊
元庶物因首出陽推陰盪六子成致用坎離
日月天人相與妙難詰斯道豈容秦火息九
分派流愈遠緯議紛紛非所及韋編三絕繫

方是開集卷上

六十

經微言尚切明作述我生苦晚心好古謾索圖
書考龜策浩如烟海無津涯自哂蓬心窺至蹟
衆言淆亂折以理是非安敢決諸臆吉凶前定
信可推人事堪憐空役役優游姑樂環中趣默
參經世用皇極較量得失心自知議論無用形
於筆觀君氣宇元靜定何慮不優入聖闕不鄙
謂予可相友願鑿渾沌以報德

方是間居士小藁上卷



